

Gap Inc.

Code of Vendor Conduct

Khoutu ena ea Boitsoaro ba Morekisi e sebetsa bakeng sa litsi tsohle tse hlahisang thepa bakeng sa Gap Inc. kapa makalana afe kapa afe a eona, makala, basebelisani le liejente.

Leha Gap Inc. e ananela hore ho na le litikoloho tse fapaneng tsa molao le bochaba tseo ho tsona litsi li sebetsang hohle lefatšeng, Khoutu ena e teka litlhoko tsa motheo tseo litsi tsohle li tlamehang ho li phethahatsa e le hore li etse khoebo le Gap Inc. Khoutu ena e thehiloe holima maemo a tsa bosebetsi a amohelehang machabeng, a kenyetsang maano a bohlokoa a Mokhatlo oa Machaba oa Basebetsi (International Labour Organization (ILO)) le Phatlalatso e Akaretsang Lefatše ea litokelo tsa Botho. Khoutu e fana ka motheo bakeng sa tekolo e tsoellang ea Gap Inc. ea litšebetso tsa khiri tsa setsi le boikamahanyo le tikoloho.

I. Boikamahanyo le Melao

Litsi tse hlahisang thepa bakeng sa Gap Inc. li tla sebetsa ka boikamahanyo bo feletseng le melao ea linaha tsa tsona le melao, melaoana le litaolo tsohle tse amehang. E le pehelo ea ho hoebisana le Gap Inc., morekisi e mong le e mong o tlameha ho ikamahanya le Khoutu ena ea Boitsoaro ea Morekisi. Gap Inc. e tla tsoelapele ho theha lisistimi tsa tekanyo le tharollo ho lekola le ho netefatsa boikamahanyo. Hohle moo ho nang le phapang litlhokong ho latela molao oa lehae le se ho Gap Inc. COVC, litlhoko tse tiileng ho feta li tlameha ho sebelisoa. Morekisi le Basebelisani le Morekisi ba tla sebelisa feela litsi tse lumeletsoeng ke Gap Inc. feela bakeng sa tlhahiso ea thepa. Barekisi ba tla fumana tumello e fumanoeng e sa le pele ea mongolo ho tsoa ho Gap Inc. ho sebelisa litsi tsena pele tlhahiso e ka qala.

II. Tikoloho

Litsi li tla ikamahanya le melao le melaoana eohle e amehang ea tikoloho. Litsi li tlameha ho laola kamo eo li e bakang tikolohong, ho kenyetsoa matla le mesi ea likhase tse kotsi tikolohong (greenhouse gas (GHG)), tsilafatso ea moea (mesi e butsoelloang moeeng), tšebeliso ea metsi, boleng ba metsi, metsi a likhoerekhoere, kheloso ea metsi le ho qhaloa ha oona, le tšebeliso le tsoaro ea likhemikale.

III. Labor

A. Bana ba Sebetsang

Litsi li tla hira basebetsi ba phethahatsang litlhoko tsa bonyane ba lilemo tsa molao bo lokelang feela kapa ba lilemo tse bonyane 15, ho ipapisitse le hore tse holimo ke life. Hape litsi li tlameha ho ikamahanya le melao e meng eohle e amang ho sebetsa ha bana. Litsi li khotletsoa ho theha mananeo a molaong a thupello ea tšebetso mosebetsing molemong oa thuto ea basebetsi ba bona, ha feela bankakarolo bohle ba phethahatsa bobeli bonyane ba lilemo tsa Gap Inc. ba tloaelo e leng lilemo tse 15 le bonyane ba lilemo tsa molao tse hlokehang.

B. Basebetsi ba Sebetsang ka Konteraka ba Matsoantle

Litsi tse thaotlang kapa tse hirang basebetsi ba hiroang ka konteraka ba matsoantle (foreign contract workers (ma-FCW)) di tla netefatsa hore basebetsi bana ba tsoaroa ka tsela e hlokaneng leeme le ka tekano le basebetsi ba tsona ba lehae. Basebetsi ba tsoang ka ntle ba ke ke ba etsisoa mesebetsi efe kapa efe ea sebopeliso sa qobello, tlameho, boitlamo, kapa basebetsi ba tumellano ea ho sebetsa nakoana. Mosebetsi ohle o tlameha ho etsoa ka boithaopo mme basebetsi ba tlameha ho lokoloha ho ka felisa khiri ea bona ka nako efe kapa efe, ntle le kotlo. Basebetsi ba tsoang ka ntle (kapa litho tsa malapa a bona) ba ke ke ba tsoetsoa ka ho tlalehoa ho ba bolaoling e le ho ba qobella hore ba sebetse kapa ho ba thibela hore ba khaotse khiri ea bona, ka nako efe kapa efe, ntle le kotlo.

C. Khethollo

Litsi li tla hira basebetsi ho latela bokhoni ba bona ba ho etsa mosebetsi, e seng ho latela libopeliso tsa bona tsa botho kapa litumelo.

D. Basebetsi ba Tlamello

Litsi li ke ke tsa sebelisa basebetsi bo seng ba boithaopo ba mofuta ofe kapa ofe, ho kenyetsoa tšebetso ea batsoaruoa, ho sebeletsa tefo ea sekoloto, basebetsi ba bokhoba kapa basebetsi ba tlamello ke mebuso.

E. Tokoloho ea Likamano

Basebetsi ba lokolohile ho kenela mekhatlo ea khetho ea bona. Litsi li ke ke tsa kenakenana le basebetsi ba batlang ho ikopanya ka molao le ka khotso, ho hlophisa kapa ho ea litherisanong tsa meputso ka boikopanyo. Qeto ea hore na ba etsa joalo kapa che e lokela ho etsoa ke basebetsi ba le bang feela.

F. Tsoaro e Nang le Botho

Litsi li tla tsoara basebetsi ka tlhomphe le seriti. Litsi li ke ke tsa sebelisa kotlo ea ho shapa kapa sebopeliso sefe kapa sefe se seng sa khanyapetso ea mmele kapa kelello.

G. Meputso le lihlapiso le lipehelo tsa khiri

Litsi li tla lefa meputso le litefo tsa nako e ekelitsoeng ka ho ikamahanya le melao eohle e amehang. Basebetsi ba tla lefuoa bonyane ba moputso oa molao kapa moputso o phethahatsang maemo a intasteri, ho ipapisitse le hore o holimo ke ofe. Litsi li khotletsoa ho fana ka meputso le lihlapiso tse lekaneng ho lefella litlhoko tsa motheo tsa mosebetsi le moputso o itseng bakeng sa tšebeliso ea hae ea boikhetlo.

H. Lihora tsa Tšebetso

Litsi li tla theha lihora tsa tšebetso ka ho ikamahanya le melao eohle e amehang. Leha ho utloisisoa hore nako e ekelitsoeng hangata e a hlokeha tlhahisong ea liaparo, litsi li tla etsa litšebetso ka litsela tse fokotsang tšebetso ea nako e ekelitsoeng ho fihlela boemo bo netefatsang maemo a tšebetso a nang le botho le tlhahiso.

IV. Working Conditions

A. Bophelo bo Botle le Polokeho Tšebetsong

Litsi li tla ikamahanya le melao le melaoana eohle e amehang mabapi le maemo a tšebetso mme li tla fa basebetsi tikoloho ea tšebetso e nang le polokeho le bophelo bo botle.

B. Lihostele (haeba ho lokeleha)

Litsi tse fanang ka bolulo bakeng sa basebetsi li tla boloka libaka tsena li hloekile le ho bolokeha.

V. Lisistimi tsa Tsamaiso

Litsi li tla theha lisistimi tsa tsamaiso ea tsoelletso ea tikoloho tse raliloeng ka litaolo tsa tšebetso tse lokelehang ho netefatsa boikamahanyo le melao, melaoana, le COVC tse amehang. Lisistimi tsa taolo li tla tsebahatsa le ho laola likotsi tsoelletsoeng ya tikoloho, le ho hlophisetsa ntlafatso e tsoellang.



BANANA REPUBLIC



ATHLETA